



## Universitätsbibliothek Paderborn

### **R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.  
Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIII**

Iesus vt sit omnium ad se confugientiu[m] liberator potentissimus Con.  
VIII.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

- ram, & pro omnibus vigilar, dormientibus etiam sibi amicissimis, hoc est, ipse qui se in carcerem & mortem cum eodem ituros spondederant, neminem haberet qui secum vigilet. Siquidem veniens ad Apostolos, inuenit eos dormientes: omnesque in vno corripit, dicit ad Petrum: *Simon, dormis? Num dormis nunc tempus est? Nonne pauld ante mecum intrare volebas in carcerem & mortem, & nunc vna hora non potuisti vigilare mecum?* Haud quaquaro fuisse ostendis, quod promiseras verbo. Nam si vna non potes hora mecum vigilare, quid facies morte imminente? Cognosce vel modo animi tui infirmitatem. Vide hic quoque quod Petrum vocat Simonem, cui tamen nomen ante imponerat Petrus, quod erat nomen potestatis atque superioritatis, subindicans huic illi nomen non quadrare modo, quia non potuit, quod erat pastoris, vigilare. Deinde omnes admonens: *Vigilate, inquit, & orate, vt non intretis in tentationem.* Vigilate, estote cauti ac prudentes, & omnem vobis occasionem ruinæ subtrahite: nec tamen tunc victores existimate vos, nisi de vobis, etiam cum omnia feceritis, diffidatis: & desuper, hoc est, cœleste auxilium custodiamque orando impetraueritis, ne intretis in tentationem. *Nisi enim Dominus custodierit ciuitatem, frustra vigilat qui custodit eam. Spiritus quidem promptus est, volens paritero autem infirma, passionis acerbiteratem expauescens.*

Precatio pro fortitudine ac resignatione.

**P**re Iesu, da nobis animi fortitudinem, & in omni pressura angustiæ, nos confortata, vt mente alacri atque prompta deuotione, de manu tua quicquid superuenerit, suscipiamus: nullaque tentatione aut aduersitate à te separari valeamus, qui es benedictus in eternum, Amen.

DE CAPTIVITATE CHRISTI. Theorema VIII.

ARGUMENTVM.

**Q**ui Hebræam gentem sæpenumero captiuam miseratus liberauerat, utpotè qui omnium est captiuorum liberator, nunc ab eadem gente capitur, vincitusque abducitur.

IESVS UT SIT OMNIUM AD SE CONFVGIENTIUM liberator potentissimus. Concio VIII.

4. Reg. 25.

Ioachim regis captiuitas & liberatio vnde.

4. Reg. 14.

2. Paral. 33. Manassis penitentia quid impetrabit.

**I**n quarto Regum volumine legimus, Joachim regem Iuda anno captiuitatis suæ sexto supra tricesimum, liberatum eductumque de carcere per Eulmerodach Babylonis regem, vestibusque cultioribus honoratum, & supra ceteros exaltatum reges, factumque conuiuiam regis Babylonis: Deo haud dubium illi providente, qui humiliat & exaltat, præsertim quia voci Domini per prophetam sibi factæ olim obedierat Joachim, & nihil repugnans, captiuum se regi Nabuchodonosor tradiderat. Quomodo autem Joachim regem omnium miserator & misericors Dominus ex captiuitate liberauit, gloriocauitque liberatum: ita iam diu ante eiusdem auium Manassen regem, nimis detinorosum, & propter scelera sua similiter in Babylonem, vincum catenis abductum, liberauit: tum videlicet, cum in carcere positus idem Manassis præ-

præterita vitæ pœnitens flagitia sua confiteretur Domino: atq; eundem vt sui miseretur, humiliter oraret. Itaq; Dominus pius ac misericors, quia continere non potest miserationes suas inuocatus, sed plus etiam tribuit quam rogatur, Manassen non ex carceris angustia tantum liberauit, verum etiam regno & honori pristino vt potiretur, restitutum denuò exaltauit. Sic non minori clementia Ioseph patriarcham in carcere clausum soluit, adeoq; libertati restituit, vt hanc captiuitatem in occasionem magnæ & gloriæ & potestatis illi conuerteret per vniuersam terram Aegypti. Si quidem calamitate atq; carceris squalore subitò in maximam gloriam commutato, totius regni Aegypti præpositus, atque post Pharaonem secundus, Ioseph constitutus est. Per hunc etiam Dominus multos egestate atq; inedia pressos, præcipuè tamen Hebræorum gentem, à famis iniuria saluauit. Et quid quod eandem gēem post annos alii quot multiplicatam, atq; sub manu Pharaonis non minus afflictam, quam miserabiliter captiuam, ab omni molestia eripiens, de terra potenter eduxit Aegypti, & patria libertate ac opulencia donauit? Verum quomodo populum hunc suum de grati seruitute & de Aegyptiorum manu primo liberauit, deinde insequente hunc Pharaone, cum denuò captiuus conclususq; Israel teneretur, vt potè habens ante se ex aduerso mare rubrum, & hostes post tergum armatos: quomodo eundem per mare diuidentibus se aquis, sicco pede traduxerit, Aegyptios verò illos persequentibus, aquis relabentibus inuolutos submerferit, Exodus liber lucidè manifestat. Neq; tamen putanda est hæc gens ab hac duntaxat captiuitate, Domino educente ac protegente liberata: verum ab alijs item multis est saluata, persequentibus hanc regibus, hostibusq; circumdantibus, quos Dominus ante eorum faciem humilians percussit, contriuit, atq; non paucas etiam gentes illis tributarias fecit. Verum hæc omnia Iudicū, Regum, Esdræ, Iudith, Esther, Machabæorumq; libri testantur, quomodo de omnium sint persequentium manibus, vbi cunq; propter peccata sua circumuallati, cōclusi, capti, afflicti, subiugati vè ab hostibus fuerant, à Domino clementer respecti, potenterq; erepti, postquam ad Deum conuersi pœnitentesq; redierunt. Nam & Babyloniam illam diutinam captiuitatem illis soluit, & durissimum Græcorum abstulit iugum. Captiua namque eadem gente à rege Nabuchodonosor in Chaldæam abducta, atque multis ibi annis in Babylone detenta, tandem misertus Dominus populi sui, tam ipsum regem quam omne regnum Chaldæorum in manum Cyri potentissimi regis Persarum contradidit: qui Babyloniorum rege Balthasar extincto, mox Iudæorū soluit captiuitatem, atq; ad patriam suam reuertendi Iudæis cunctis facultatem tribuit.

*Iesu liberatori suo gens Iudæorum, qualem rationem rependerit.*

**A**T verò Iudæi quos iam dixeram tot tantaq; à suo liberatore recepisse beneficia, libertatesq; restitutas, contra hoc quod ab hostibus, ab oppressionibus captiuitatibusq; multis, quibus sæpenumero fuerant angustati, à Domino eos miserante sunt liberati, pessimam atq; prorsus odibilem hic (vt in alijs omnibus) inuenti sunt rependere suo liberatori ingrati- tudinem. Nam eodem tempore, imò eadem quoq; nocte, licet annis multis interlabentibus, qua de captiuitate Aegypti, duratq; manu Pharaonis fuerant li- berati atq; educti, ipsi eundem liberatorem, eductoremq; suum a Domino hosti-

Ioseph ca-  
ptiuitas in  
gloriam cō-  
mutata.

Exod. 12.

Captiuitas  
Iudæorum  
sæpissime à  
Deo soluta.

Exod. 14.

Esdr. 1.

1. Mach. 13.

Partis alte-  
rius Argu-  
menti expli-  
catio.

Captiuitatē  
Iesu eadem  
nocte factā  
qua filij sta-  
el de Aegy-  
pto liberati  
sunt.